

Tisang Mensahe Lamang



Dr. Naji Ibrahim Al Arfaj





Tisang Mensahe Lamang

Isinulat ni
Dr. Naji Ibrahim Al Arfaj

Isinalin ni
Saminodin Manshawie

© Naji I. Arfaj. 2001

K.F.National Library Cataloging-in-
Publication Data

Arfaj, Naji Ibrahim

32p. 12 x 17cm

ISBN 9960 - 9345 - 0 - 0

240 dc

0870 / 22

Legal Deposit no. 0870 / 22


ISBN 9960 - 9345 - 0 - 0

2020

Inihahandog

Para sa mga nagsasaliksik ng katotohanan
nang buong puso't katapatan;
Para sa mga bukas ang kaisipan at may
malawak na pang-unawa.





Isang Mensahe Lamang

Mga Nilalaman

Mga Paunang Tanong	1
Ang Pangunahing Paksa	2
Ang Nag-iisang Diyos sa Lumang Tipan ng Bibliya	14
Ang Nag-iisang Diyos sa Bagong Tipan ng Bibliya	17
Ang Nag-iisang Diyos sa Banal na Qur'an	19
Ang Pagbubuod	21

Mga Paunang Tanong

- 1. Ano ba itong "Iisang Mensahe Lamang"?**
- 2. Ano ba ang sinasabi ng Bibliya tungkol dito?**
- 3. Ano ba ang sinasabi ng Qur'an tungkol dito?**
- 4. Ano ang iyong palagay tungkol dito?**

Ang Pangunahing Paksa

Pagkaraan ng paglikha kay Adan, iisa lamang ang orihinal na mensahe ang paulit-ulit na ipinapadala sa sangkatauhan, sa buong kasaysayan ng salinlahi.

Upang paalalahanan ang sangkatauhan sa mensaheng ito at ibalik sila sa tuwid na landas, ipinadala ng Nag-iisang Tunay na **Diyos** ang mga Propeta at mga Sugo tulad nila Adan, Noah, Abraham, Moises, Hesus at Muhammad, upang ipahayag ang isang mensahe, ito ay:

***Ang Tunay na Diyos
ay Nag-iisa lamang.
Tanging Siya lamang ang dapat
sambahin at sundin ang Kanyang
mga kautusan.***



***Ang Tunay na Diyos, Ang Tagapaglikha
Isinugo Niya sina:***

Adam

Noah

Abraham

Moises

Hesus

Muhammad

***Para ipahayag ang
mensaheng ito:
Lisa ang Diyos***

Ipinadala ng Tunay na **Diyos** ang mga pangunahing Sugo at iba pa sa kanila ang mga mahahalagang pakay, kasama na rito ang:

- ① Tanggapin ang kapahayagan at ipamahagi ito sa kanilang mga nasasakupan at mga tagasunod.
- ② Turuan ang mga tao tungkol sa kaisahan ng **Diyos** at dalisayin ang pagsamba para sa Kanya.
- ③ Maging mabuting halimbawa sa salita at sa gawa, para sila'y sundin ng sangkatauhan sa kanilang daan tungo sa Nag-iisang **Diyos**.
- ④ Pangaralan ang kanilang mga tagasunod ng pagkatakot sa **Diyos**, pagsamba sa Kanya at pagsunod sa Kanyang mga kautusan.
- ⑤ Turuan ang kanilang mga tagasunod ng mga tuntuning pangrelihiyon at mga mabubuting asal.
- ⑥ Ituwid ang mga nagkasala, mga sumasamba sa mga diyus-diyosan at iba pa.
- ⑦ Ipaalam sa mga tao na sila'y muling bubuhayin pagkatapos nilang mamatay, sila'y huhusgahan sa araw ng paghuhukom mula sa kanilang mga ginawa, sinuman ang sumampalataya sa Nag-iisang **Diyos** at nagsagawa ng mga kabutihan ay gagantimpalaan siya ng Paraiso, sinuman ang magtambal sa **Diyos** at sumuway sa mga kautusan Niya, ang kanyang kahahantungan ay sa Impiyerno.

Tunay na yaong mga Propeta at mga Sugo ay mga nilikha at sila'y ipinadala ng Nag-iisang **Diyos**. Ang sansinukob at mga nilalaman nitong mga nilikha ay nagpapatunay na may Panginoon na Tagapaglikha at nagpapatotoo sa Kanyang

kaisahan, si Allah ang Tagapaglikha ng sandaigdigang mga nilalaman nitong mga tao, mga hayop at mga bagay. Siya ang Naglikha ng kamatayan at ng buhay na pansamantala at buhay na walang hanggan.

Tunay na ang mga kapahayagan sa mga Hudyo, sa mga Kristiyano at sa mga Muslim ay lahat nagpapatunay na may Panginoong **Diyos** at Nag-iisang dapat sambahin.

Ang taong nagsasaliksik ng katotohanan, kapag pinag-aralan niya sa Bibliya at sa Banal na Qur'an ang tamang pagkakilala sa Diyos ng may layunin at pagkamatapat ay makakaya niyang ibukod ang mga natatanging katangian na nauukol lamang sa tunay na **Diyos**, at hindi Siya maaaring tambalan ng ibang mga diyus-diyosan. At narito ang ilan sa Kanyang mga katangian:

- ✦ Ang Tunay na **Diyos** ay Tagapaglikha at hindi nilikha.
- ✦ Ang Tunay na **Diyos** ay Nag-iisa at wala Siyang katambal, hindi dumarami, hindi nanganganak at hindi ipinanganak.
- ✦ Ang Tunay na **Diyos** ay malayo sa mga pagsasalawanan ng mga nilikha at hindi Siya maaaring makita dito sa mundo.
- ✦ Ang Tunay na **Diyos** ay walang wakas, walang kamatayan, hindi nagbabago, hindi naglalaho at hindi nagkakatawan ng alinman sa Kanyang mga nilikha.
- ✦ Ang Tunay na **Diyos** ay nananatili sa Kanyang katayuan at sarili, walang pangangailangan sa Kanyang mga nilikha at hindi Niya sila kailangan, wala Siyang ama at ina, walang asawa at anak, hindi Siya nangangailangan ng pagkain at inumin, hindi Siya nangangailangan ng tulong mula kanino man bagkus ang mga nilalang na nilikha ng tunay na **Diyos** ang may pangangailangan sa Kanya.

- † Ang Tunay na **Diyos** ay bukod-tangi sa Kanyang mga Katangian na Siya ang Pinakadakila, ang walang kapintasan at ang nagmamay-ari ng napakagandang katangian na walang maaaring tumambal at tumulad sa Kanya kahit isa man sa Kanyang mga nilikha. Wala Siyang kahalintulad na kahit katiting na bagay.

Maaari nating gamitin ang mga pamantayan at mga katangiang ito (at ganun din ang ibang mga katangiang Siya lamang ang nagmamay-ari) sa pagsusuri at pagtatatwa sa lahat ng pinaniniwalaan at nag-aangkin ng pagka-**Diyos**.

Ngayon, hayaan ninyo akong balikan at saliksikin ang isang mensahe na nabanggit sa itaas at suriin ang ibang mga talata sa Bibliya at sa Banal na Qur'an na nagpapatunay sa kaisahan ng **Diyos**. Ngunit bago iyan, nais kong ibahagi sa inyo ang palaisipang ito:

Maaaring masabi ng ibang mga Kristigano ang ganito:

*“Malinaw na ‘isa ang
Diyos at kami’y nanini-
wala sa ‘isang **Diyos**.”
Kung Gayon, Ano Ang
Punto?*



Ang katunayan nito, sa kasalukuyan ng aking pag-aaral at pagbuhos nang buong pag-iisip sa pagbabasa tungkol sa Kristiyanismo at sa maraming pakikipagtalakayan sa mga Kristiyano, natagpuan ko na ang Tunay na **Diyos** sa kanila (ayon sa pagsasalarawan ng iba sa kanila) ay sumasaklaw sa mga sumusunod:

- ① **Diyos Ama.**
- ② **Diyos Anak.**
- ③ **Diyos Espiritu Santo.**

Ang mababaw na pag-unawa at matuwid na pangan-gatwiran ay magpapatibay sa isang mananaliksik ng paksa sa pamamagitan ng mga tanong sa mga Kristiyano:

**Ano ang ibig sabihin ng pagsasabi ninyo ng
“Isa ang Diyos” subalit ang tinutukoy
ninyong Diyos ay tatlo?**

$$① + ① + ① = ①?!$$

**Ang Diyos ba ay nagiging Isa sa Tatlo
o ang Tatlo ang nagiging Isa
(① sa ③ o ③ sa ①)?**

Karagdagan pa rian, ayon sa paniniwala ng mga Kristi-
yano, ang tatlong **Diyos** na ito ay may iba't ibang mga gawain
na ginagampanan at pagkakakilanlang katangian at larawan
tulad ng sumususnod:

- ① **Diyos Ama** = *Tagapaglikha*
- ② **Diyos Anak** = *Tagapagligtas*
- ③ **Diyos Espiritu Santo** = *Tagapayo*

Ang pag-aangkin na ang Kristo ay anak ng **Diyos** o kaya'y
siya mismo ay **Diyos** o kaya'y bahagi siya ng tunay na **Diyos**,
ay sumasalungat mismo sa mga sinasabi ng Lumang Tipan
at Bagong Tipan, nasasaad na ang tunay na **Diyos** ay hindi
makikita at hindi maririnig ninuman ang Kanyang boses:

‡ **Kailan ma'y hindi ninyo narinig ang Kaniyang tinig,
ni hindi man ninyo nakita ang Kaniyang mukha.**

..... {Juan 5:37}

‡ **Walang taong nakakita, o makakakita sa Kanya.**

..... {1 Kay Timoteo 6:16}

‡ **“Hindi maaaring makita Ako ng tao at mabuhay”.**

..... {Exodo 33:20}

Batay sa mga Talatang ito at iba pa na nasasaad sa Bibliya, ako'y lubusang nagtataka at napapatanong nang buong katapatan at pagtitiwala, kung paano natin pagtutugmain ang kanilang sinasabi na si Hesus ay **Diyos**, datapuwa't ang mga Talata sa Bibliya ay mariing tinitiyak na walang sinumang nakakita sa **Diyos** ni walang nakarinig sa Kanyang tinig.

- ✚ Hindi бага nakita ng mga Hudyo at pamilya ni Hesus at mga tagasunod niya si Hesus sa kanilang kapanahunan, Hindi ba nila nakita si Hesukristo (ang **Diyos** anak ayon sa kanilang paniniwala) at narinig ang kanyang boses?
- ✚ Paano sinasang-ayunan ng Lumang Tipan at Bagong Tipan na ang **Diyos** ay walang sinumang nakakita at nakarinig sa Kanya, subalit may matatagpuan tayong mga taong naniniwalang si Hesus ay nasaksihan ang kanyang pagkatao at narinig ang kanyang tinig, siya ba ang **Diyos** o anak ng **Diyos**? Mayroon bang lihim na nakatago sa katotohanan ng **Diyos**?
- ✚ Ang Lumang Tipan ay mariing tiniyak na ito'y salungat diyan ayon sa pagsasaling salita ng **Diyos** na Kanyang sinabi: **"Tunay na Ako ang Panginoon at doon ay walang diyos na iba. At tunay na Ako'y hindi nagsalita ng lihim at hindi Ko inilihim ang Aking hangarin. Tunay na Ako ang Diyos at Ako'y nagsasalita ng katotohanan at Aking ipapahayag ang katotohanan."**

..... {Isaiah 45:18-19}

***Kung gayon, ano ang
katotohanan?***

**Pakiusap basahin ang mga
naunang talata nang paulit-ulit
at pag-isipan nang malalim.**

Tayo ngayon ay maglakbay tungo sa pagsasaliksik sa katotohanan tungkol sa Nag-iisang Tunay na **Diyos** sa Bibliya at sa Qur'an.

Pagkatapos ng paglalakbay na ito, pagkatapos mong basahin nang mapanuri, dalisay, tapat, at maingat ang librito na ito (at lalo na ang mga biblikal at Qur'anik na mga Talatang binanggit sa ibaba), mangyaring ikaw mismo ang humatol.

Bilang pag-iingat sa nasabing paksa, babanggitin ko ang mga Talata ng walang anumang puna at pagdaragdag. Mangyaring basahin nang mabuti at mapanuri ang mga Talata (nang walang halong haka-haka o kuro-kuro).



***Ang Nag-iisang Tunay Na Diyos
sa Bibliya
(Lumang Tipan)***

- ‡ Dinggin mo, oh Israel: ang Panginoon nating **Diyos** ay Isang Panginoon.
..... {Deutoronomio 6:4}
- ‡ At di бага ang Nag-iisang **Diyos** ay lumikha para sa atin ng espiritu ng buhay at tayo'y Kaniyang binibiyayaan?
..... {Malakias 2:15}
- ‡ Upang inyong malaman at magsisampalataya kayo sa Akin, at inyong matalastas na Ako nga ang siyang **Diyos**, walang diyos na inanyuan na una sa Akin, o magkakaroon pagkatapos Ko. Ako sa makatuwid бага'y Ako, ang Panginoon, at maliban sa Akin ay walang tagapagligtas.
..... {Isaias 43: 10-11}

- ‡ **Ako ang una, at Ako ang huli; at maliban sa Akin ay walang Diyos. Sino ang katulad Ko?**

..... {Isaias 44:6}

- ‡ **Hindi бага Ako ang Panginoon at walang ibang Diyos maliban sa Akin? Bumaling sa Akin, at mangeligtas, at doo'y wala ng iba.**

..... {Isaias 45:21-23}

*Maaari mo bang
isipin ang iba pang
mga talatang
katulad nito?*



***Ang Nag-iisang Tunay na Diyos
sa Bibliya
(Bagong Tipan)***

- ‡ Lumapit sa kanya ang isa, at nagsabi, mabuting guro, ano ang mabuting bagay na gagawin ko upang ako'y magkaroon ng buhay na walang hanggan? At sinabi niya (Hesus) sa kaniya, bakit mo ako tinatawag na mabuti? Walang ibang mabuti maliban sa Nag-iisa, Siya ang **Diyos**.
..... {Mateo 19: 16-17} K.J.V.
- ‡ At ito ang buhay na walang hanggan, na Ikaw ay makilala nila, Ikaw ang tanging **Diyos** na Tunay na Nag-iisa Ka, at si Hesukristo ang Iyong sinugo.
..... {Juan 17: 3}
- ‡ Sambahin ninyo ang Tunay na **Diyos** na inyong **Diyos** at Siya lamang ang inyong paglilingkuran.
..... {Mateo 4:10}
- ‡ Pakinggan mo, oh Israel; ang Panginoon nating **Diyos**,

ang Panginoon ay iisa... ang Diyos ay iisa at walang iba maliban sa Kanya.

..... {Marcos 12:29}

‡ Sapagka't may Isang Diyos at may isang tagapamagitan sa Diyos at sa mga tao, ang taong si Hesukristo.

..... {1 Kay Timoteo 2:5}

*Maaari mo bang maalala ang
iba pang mga katibayan na
nagpapatunay na iisa lamang
ang Diyos?
(At Hindi Tatlo!)*

Ang Nag-iisang Tunay Na Diyos

Sa Qur'an

- ‡ Sabihin! Siya si Allah, ang bukod tanging Nag-iisa, si Allah, ang Sandigan ng lahat, ang walang hanggan at walang kapintasan, hindi Siya nagkaanak at hindi Siya ipinanganak at Siya ay walang katulad.
..... {112: 1-4}
- ‡ Walang sinumang Diyos maliban sa Akin, kaya't sambahin ninyo Ako.
..... {21:25}
- ‡ Katiyakan na hindi sumasampalataya ang mga nagsabing "si Allah ay isa sa tatlo (trinidad)" datapuwa't wala ng iba pang Diyos maliban sa Nag-iisang Diyos (si Allah). At kung sila ay hindi titigil sa kanilang sinasabi, katotohanan, ang isang kalunos-lunos na kaparusahan ay sasapit sa mga hindi sumasampalataya sa kanila.
..... {5:73}
- ‡ May iba pa bang diyos bukod kay Allah? Karamihan sa kanila ay hindi nakakaalam.
..... {27:61}



*Ang katotohanan na nasa
mensaheng ito ay ang
"Kaisahan Ni **Allah**."
Ito ang pangunahing paksa
sa Banal na Qur'an.*

Ang Pagbubuod

Tunay na ang mga Talatang ito at kasama ng iba pang mga daan-daang magkakatulad na batayan sa Bibliya at sa Qur'an ay nagpapatunay na walang anumang pag-aalinlangan na ang **Diyos** ay iisa lamang at walang ibang **Diyos** maliban sa Kanya, ayon sa sinasabi ng Bibliya, "Dinggin mo, Oh Israel; ang Panginoon nating **Diyos**, ang Panginoon ay iisa... ang **Diyos** ay iisa at walang iba maliban sa Kanya."

..... {Marcos 12:28-33}

At binabanggit din ng Banal na Qur'an ang pag-uutos ni Allah, sa Kanyang sinabi: "**Sabihin: Siya si Allah, ang Nag-iisa.**"

.....{112:1}

Ang Bibliya ay hindi lamang nagpapatotoo na ang **Diyos** ay iisa, bagkus pinapatotohanan na si Allah ang Siya ring Tagapaglikha at Tagapag-ligtas na tanging Nag-iisa: "**Upang inyong malaman at Ako'y sampalatayaan, at inyong matalastas na Ako nga ang Siyang **Diyos**, walang **Diyos** na inanyuan na una sa Akin, o magkakaroon pagkatapos Ko. Ako sa makatuwid baga'y Ako, ang Panginoon, at maliban sa Akin ay walang tagapagligtas.**"

..... {Isaias 43: 10-11}

Bunga nito, nagiging malinaw na ang salitang pagka-Diyos

tulad ng Espiritu Santo, at nina Hesus, Brahma, Vishnu, Shiva, Krishna, Buddha at iba pa ay walang pinagmulan, walang katibayan, wala silang pag-aaring ano pa man na bagay, sila'y hindi mga diyos at hindi bilang paglalarantad sa tunay na **Diyos** o pagkakatawang **Diyos** o paglalarawan sa Kanya. Wala Siyang (Allah) kahalintulad na bagay tulad ng nabanggit sa Bibliya at Qur'an.

Sa kabilang dako, ang Essenes, isa sa mga sektang Kristiyanismo noong unang kapanahunan ay dumanas ng kaparusahan at kalupitan dahil naniwala sila sa Nag-iisang **Diyos**, at tinanggihan nila ang pagpapalit sa aral ni Hesus na pagsamba sa Nag-iisang **Diyos**, at kanilang kinamuhian ang Trinidad na pagbabagong aral ni Pablo at ang kanyang mga kasamahan.

Sa madaling salita, ipinadala ni Allah si Adan, Noah, Abraham, Moises, Hesus, Muhammad at lahat ng Propeta at Sugo (sumakanilang lahat nawa ang pagpapala at kapayapaan) upang ipamahagi sa sangkatauhan ang pananampalataya kay Allah at pagdalisay ng pagsamba para sa Kanya na Nag-iisang walang katambal at kapantay, Siya ay malayo sa lahat ng uri ng kasamaan. At ito ang iisang Mensahe ng mga Propeta at mga Sugo:

Ang tunay na Diyos ay Nag-iisa lamang. Tanging Siya lamang ang dapat sambahin at sundin ang Kanyang mga kautusan.

Kung gayon na ang mensahe ng mga Propeta at mga Sugo ay iisa, samakatuwid ang kanilang relihiyon ay iisa. Kung ganun, ano ang relihiyon ng mga iyon?

Ang pinakadiwa ng kanilang mensahe ay binubuo ng "PAGPAPASAKOP" sa Nag-iisang **Diyos** (Allah) at ang salitang ito ay nangangahulugan sa salitang Arabic na **"Islam."**

At mariing tiniyak ng Banal na Qur'an na ang Islam ay Relihiyong Tunay ng lahat ng mga Propeta at mga Sugo ni Allah. Maaaring subaybayan ang katotohanang ito sa Banal na Qur'an at ganun din sa Bibliya. Ating tatalakayin ang katotohanang ito sa Bibliya sa susunod na librito, ipagkaloob nawa ni Allah!

Bilang panghuli, upang makamtan ang kaligtasang inaasam ay kailangang tanggapin ang **"Iisang Mensaheng"** ito at sampalatayaan ito nang buong katapatan at kataimtiman.

NGUNIT ANG HAKBANG NA ITO AY HINDI SAPAT.

Datapuwa't kailangan din nating paniwalaan ang lahat ng mga Propeta at mga Sugo ni Allah (nasasaklaw ito ng paniniwala kay Propeta Muhammad (sumakanya nawa ang pagpapala at kapayapaan), sundin ang kanilang pamamaraan at isabuhay ito. Ito ang daan sa buhay na walang hanggang kasiyahan.

Kaya sa mga taimtim na nagsasaliksik ng katotohanan at nagnanais ng kaligtasan, baka sakaling iniisip mo rin ang

bagay na ito. Maaaring inaasam-asam mo nang gawin sa ngayon bago pa mahuli ang lahat at bago pa dumating ang biglaang kamatayan. Sino ang nakakaalam nito kung kailan? Malinaw na wala.

Mayroon pang isang bagay:

Panghuling Palaisipan

*Kung ikaw ay taos-puso, matapat, sergoso,
may layunin, at bukas ang pag-iisip sa
paghahanap ng katotohanan, mangyayari
ing pagkatapos mag-isip nang ma-
panuri tungkol sa **WASANG MANSANG**
ito, maaari mong maitanong ang
ganito:*

‡ **Kung gayon, ano ang katotohanan?**

‡ **Ano ang dapat kong gawin ngayon?**

Kung taos-puso kang naniniwala sa iyong Nag-iisang Tunay na Diyos na si Allah at sa Kanyang huling Propetang si Muhammad, maaari mo nang banggitin ngayon ang mga sumusunod:

(Ako'y sumasaksi na walang ibang tunay na Diyos maliban kay Alláh lamang at ako'y sumasaksi na si Muhammad ay alipin at Sugo ni Alláh).

Sa Arabic, basahin:

أَشْهَدُ أَنْ لَا إِلَهَ إِلَّا اللَّهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ

Ito ay tulad nito:

**ASH-HADU AL-LA ILAHA IL-LA ALLAH, WA ASH-HADU
ANNA MUHAMMADAN RASULU ALLAH.**

Ang pagsasaksing ito ang siyang pangunahing hakbang patungo sa daan ng masayang buhay na walang hanggan at ito ang tunay na susi ng mga pintuan ng Paraiso.

Oo, Kaya mo yan!

Kung sang-ayon ka nang kunin ang daang ito, maaari kang humingi ng tulong sa iyong kaibigan o kapit-bahay na Muslim, magtungo sa malapit na Masjid o Islamic Center, o di kaya'y parangalan ako sa pamamagitan ng iyong pagtawag o pakikipagsulatan sa akin, lubos ko itong ikagagalak.

info@discoveritsbeauty.org

Mga Talasalitaang Islamiko

Allah:

Ang wastong pangalan ng Nag-iisang Diyos, ang Tagapaglikha. Si Allah ang Tunay na Panginoon ng sangkatauhan, (Muslim, Kristiyano, Hudyo, Hindu atbp).

Muhammad:

Ang huling Sugo ng Nag-iisang Tunay na Diyos (Allah).

Islam:

Pagsuko sa kagustuhan ng Tagapaglikha, ang Tunay na Diyos (Allah). Maaari lamang makamtan ng isang tao ang tunay na kaligayahan at katiwasayan sa pamamagitan ng pagsuko at pagsunod sa Tunay na Diyos.

Muslim:

Ang taong sumusuko sa kagustuhan ng Tunay na Diyos (Allah), ang Tagapaglikha.

Qur'an:

Ang Salita ng Diyos na inihayag kay Propeta Muhammad (sumakanya nawa ang kapayapaan).

Panghuling Paala-ala

Kung magpasya ka nang kunin ang landas na ito, maaari kang makipag-ugnayan sa isang Muslim na kaibigan, bisitahin ang mga iminumungkahing websites sa librito na ito, bisitahin ang pinakamalapit na Islamic Center, o mag e-mail sa amin sa:



www.discoveritsbeauty.com

info@discoveritsbeauty.org

dibdawah2020@gmail.com

Mga kapaki-pakinabang na websites sa Islam

- 👉 <http://www.islamparatodos.com.br>
- 👉 <http://www.allahsquran.com>
- 👉 <http://www.quranexplorer.com>
- 👉 <http://www.quranhive.com>
- 👉 <http://www.islamhouse.com>
- 👉 <http://www.edialogue.org>
- 👉 <http://www.islamreligion.com>
- 👉 <http://www.newmuslimguide.com>
- 👉 <http://www.discoveritsbeauty.com>
- 👉 <http://www.guidetoislam.com>



DIB_En



DIBEn2020



dib_en



DIB_En



Mga Naisulat ng May-Akda

(Mula Sa Orihinal NiTong Salin O Bersyon)

-  **Just One Message**
-  **God in Christianity... What is His Nature?**
-  **Have You Discovered Its Beauty?**
-  **100 Tweets About Islam**
-  **50 Tweets About Oneness of God**
-  **100 Tweets about Muhammad (ﷺ)**

**The Series ‘Discover Its Beauty in 7 Minutes’
(Newly Developed!):**

- ① Just the Tip of the Iceberg**
- ② The Religion of Adam and Eve**
- ③ The ABCs of Islam**
- ④ Answering Humanity’s Critical Questions**
- ⑤ His Beautiful Names**
- ⑥ The Last Revelation**
- ⑦ The Final Messenger**



GLOBAL ACADEMY FOR TRANSLATION AND EDUCATION (GATE)
LONDON | THE UNITED KINGDOM